

سروش

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در

اتبعون اهدكم سبيل الرشاد

مناصب و مدير مسئول : ح . اشرف اديب

افغانستان

امیر عبدالرحمن خان

مابعد

قافله خلقتدن اولوبده کری قالمش بولنان برقاچ ترکانه یاقینلرده بر قویو اولوب اولمادیغنی صوردم .

— بو طریق ایله کیده رسه کنز کونش طوغار کن بر قویو باشنه واصل اولورسکنز . دیدیلر . تعریف موجنبجه یوله دوام ایتدک . کونش یوکسه لدی ، صیجا ق زیاده لشدی ، حیوانلریمزده یوروپه جک طاقت قالمادی ، بزمده حرارتدن دیلمز داماغمز قورودی . حالا بر قویو ، یاخود باشقه بر صو بولامادق . ناچار آتلردن بر ایکسینی کسیدردم بر دامله اولسون قانلری آقادی . یانمده بولونان بر لیمونی آغزیمه صیقمدم . براز صوکراده دیلی آتمک دیلنه طوقوندوردم . زواللی حیوانک آغزینده هیچ رطوبت حس ایدیلیموردی . او انشاده جهنمک بدن انسانده موجود اولدیغنه ایناندم . چونکه صوسزلقدن آتش کی یانیوردم . شو حالده اقصامه قدر کیدوب بر قویو باشنه کله بیلدک . فقط بورایه بنمله درت کیشی واصل اولمش ، او بر آرقه داشلرمز یوله دوشوب قالمشدی .

براز صوایچوب تسکین عطش ایله نیجه یولداشلرم خاطر مه کلدی . بیچاره لرك فلا کته آغلادم . (آخال) اهالیسنندن اشترا ایتدیکم بر بیکیر ، سائرلرینه نسبه آز یورولمشدی . ایکی قریه صو طولدورتوب اوکا یوکله تیدردم . بو آدمه آت ایزلرینی غائب ایتمه مه سنی تنیه ایله برار بلکه لازم اولور دییه برده قبله نما ویردم .

برکت ویرسین که کیدوب زواللی آدملری بیکیردن دوشمش و حرکتدن قالمش بر حالده بولمش . آغیزلرینه براز صو دوکوب عقللرینی باشلرینه کتیردکن صوکره آلوب برار کلش .

یدی کون بو قویو باشنده قالدق . یوله کوردیکمز ترکان کاروانی ده بورایه اوغرا دی . کاروانده کیلر ، نیم کیم اولدیغنی اوکره نیجه :

— بز ، سزی ایرانی صاندقده صوسزلقدن هلاک اولسونلر دییه یولدن صپا یتدق . دییه رک قباحتلرندن بویوک برعذر سردایتدیلر . مع مافیه ، ارزاقمز توکندیککی جهنله درت کون بزی اومزلده بسله دیلر ، طلبمز اوزره رینه اوچ کونلکده ییه جک صا تیدیلر .

بولوندیغمز یر ایله (جنوه) شهرینک آراسی بش کونلک بر مسافه ایدی . اوطرفه متوجهاً حرکت ایتدک . خیویه موصلتمزده بلده خارجنده و آغاچلق بر محله قونوب آدملرمدن برقاچنی نواله تدارک ایتمک اوزره شهره یوللادم .

خیوه خاننک مأمورلری بزم آدملره تصادف ایده رک نواله نک کیمک ایچین آلیندیغنی صورمشلر اونلرده « امیر دوست محمد خانک طورونی و امیر محمد افضل خانک مخدومی بولونان افندیمز سردار عبدالرحمن خان ایچین آلیورز » دیمشلر .

عائله سیله ، حتی داود (ع . م) ایکی زوجه سیله (زکلاع) دیزلن بر شهره یرلشدیلر . « ایشته بویله ، اضطراری برمنی حائنه قالان داود (ع . م) کندی وطنده قارشى بروض خصمانه آلامتی ایچین آک بویوک مشکلاته هدف اولدیغنی حس ایدیلر ؛ وقت کچدکجه داود (ع . م) ایله معینی النجا ایتدکری عسکت اهالی اصلیه سی علیهندن چاپول سفرلری اجراسنه باشلادیلر (اشموئل لک ۶ - ۷ بندلری) کتاب مذکورکده نجی بارچه سی دیرکه : داود (ع . م) مملکتی اوردی ، نه ارککری ، نه قادیلری صاغ براندی و بوتون غنائمی آلوب (آجیش) کلدی . (۱۰ - ۱۱ نجی بند) « و آجیش صوردی : بوکون یولکیزی نریمه سوق ایتدیکمز؟ داود (ع . م) (صحیح اربلا بهرق) جواب ویری : یهودیه نك جنوبه و کنعانلرک جنوبه قارشى ، و داود بلکه عایه مزده کلوب شکایت ایدرلر (فاذ) « کتیر برلر دیه نه ارکک ، نه قادین صاغ بر اقامشدی ؛ (آجیش) داود (ع . م) « ایناندى . »

فلسطینی لرك حکمداری بنی اسرائیل ایله حربی تازه له مک ایچین بروسيله آله ایتدیکی زمان داود (ع . م) ک مشکلات وضعیه سی برقات دهانزاید ایتمش دی ؛ چونکه : بوتون قوتی یکی حکمدار حاشیکارینک عسکرینه التحاق اوزره جمع ایلمه مه سی رسماً امر اولنیوردی . فی الحقیقه معسکرده اثبات وجود ایتدیه ده برکت ویرسین بوموقع مشکندن ینه فلسطینی لرك قیصقانچانی وعدم امنیت یوزندن خلاص اولدی . اردودن بویله اشتغال ایدیلن داود (ع . م) معینی ایله (زیکلاع) شهرینه دوندی ، آنجق آکلادی که : کندیلرینک بولمادی ایشاده عماله قبیله سی بوراسنی محاصره ایدوب شهری یاقش کول ایتمش ؛ شهرده کی اموالی اغتنام ایله ره رک حتی کرک داودک ایکی زوجه سنی ، کرک بوتون معینک زوجه لرینه ده اسیر کوتورمشدی . « داود جناب حقه قلبنی طوئدی . باش راهب (آیاتار) « کندیسنبجه بویوک لباسنی کیدیرمه سنی سوبله دی و بومشکل ، فلاکتلی موقعندن قورتیله یامک ایچین هانکی واسطه یه صراجعت ایده بیله جکنی جناب حقدن طلب ایتدی . اصل مسئله ، عبرانیلرک عماله یی باقالادقلری تقدیرده زوجه و جوجقلرینی تکرار آلمه مساعدده اولنوب اولنمایه جفی و آتلردن انتقام آلوب آله مایه جقلری ایدی . باش راهب جناب حقدک ، عماله نك تعقیبی و آنلر اوزرینه مظفریت مرکزنده اولان جوانی تبلیغ ایتدی . داود بوجوابدن اکتساب اعتماد و جسارت ایله ره رک اهالیسنی عماله نك تعقیبه سوق ایله بوب آنلره یتیشدی ؛ بونلرک برقسیمی اویومش برقسیمی سرخوش صیزمش اولدیغندن مدافعه یه غیر مقتدر بر حالده ایدیلر . داود (ع . م) آدملری ایله بونلرک اوزرینه اوپله شدد بر هجوم ایتدی و اوپله قلیجندن کچردی که : عماله دن یالکیز درت یوزکشی صاغ قالدی ؛ بونلرده سلا متلرینی بیدمش اولدقلری دوه لرینک سرعته بورجلی ایدیلر . نهایت تعقیب زوالدن کیجه یه قدر دوام ایتدکن صوکره عبرانیلر زوجه لرینی و جوجقلرینی (زیکلاع) محاصره سنده عماله نك اغتنام ایتدکری اموال و اشیایی استرداد ایتدیلر .

بدبخت طالونک عاقبتی بقین ایدی . قانلی (کیلبوعا) محاربه سنده فلسطینی و بنی اسرائیل سلاخلری چاشوب نتیجه مکرده ده اسرائیلر کلیاً مهزوم اولدیلر . طالونک اوغللری قتل اولندی . حکمدار صوک یأس ایچنده قلیجینک صاخی بره قویوب کسکین طرفنی وجودینه صایلادی . لکن قوتنک عدم کفایه سنندن بوکا تمامیه موفق اوله مادیغندن قلیجک صاپنه قدر وجودینه کچمه سی خصوصنده بر عماله دلیقانلیسنک معاونته محتاج اولدی .

بنی اسرائیلک ایلک قرالی طالوت ، اشموئل (ع . م) ک وفاتندن اول اون سکیز سنه . و وفاتندن صوکره یکرمی ایکی سنه اجرای حکم ایتدکن صوکره ایشته بوسورتله ترک حیات ایتمش در . [۲]

مترجمی

علی رضا سیفی

[۱] بوحکومت مدنلری بعضلری طرفدن دوچار اعتراض اولشدر .

بزم مأخذ من (یوسف - آلتنجی کتاب - اون بشنجی باب) در .

[۱] یوسف . بشنجی کتاب - اون بشنجی باب

مَقَالَات

CE-000-000

اسلامیت حقنه

ارست هه کهک مقاله سنه ردیه

— ۲ —

ذکا جریده سنده مندرج هه کهک مقاله سنه قارشی طرفزدن کوندربلن ردیه بی (سبیل الرشاد) رساله معتبره سنده او قویان بعض اخوان دینم طرفندن کرک شفاها و کرک تحریر آ و قوع بولان توصیه لرده بوم بحثک برازدها توسیع اولونماسی التماس و بیان و زمانزده بوکی مباحث و مسائله اولان احتیاجک بک شدید اولدینی ده همان جمله سی طرفندن درمیان اولونیوردی . ذاتاً مقصدیمز یالکزه کهله جواب ویرمک و بوضوورتله اونلری مسلمان یایمق دکل ، بزم کنجبلر یزدن حقیقتی اکلامق ایستین قسملرینه اکلامق اولدیندن دین اسلامه اعتراض ایدنلر نه جهتلره ده زیاده اعتراضاتده بولونمشلر و علمای اسلام طرفندن (مساعیلری مشکور اولسون) نه کبی ردیلر یازلمش ، بونلری مصالحه و تدقیق ایله خلاصه مطالعاتی ینه (صداقت پیغمبری) یه عائد اولمق اوزره (سبیل الرشاد) ه تقدیم ایتکی بر وظیفه دینییه عد ایلیم .

حب

انسانلری اعتقاد وعدم اعتقاد اعتباریله اوج قسمه تقسیم ایتک موافق اولور : برنجی قسم — اللهه ، پیغمبره ، قرآن کریمه ایناعش ؛ احکام شرعیه اسلامیه به بتون موجودیتیله ربط قلب ایتمش اولانلردر . بوقسمک شهلری یوق که دیله احتیاجلری اولسون . بناء علیه بوقسم خیار امته بوکی مباحثک ، زائد اولدینی تسلیم ایتکله برابر ، منتسب اولدینی دینک علوتتی اکلا یاجفندن فائده سی ده یوق دکلد .

ایکنجی قسم — گروه معنیدین کلیر ، بونلر هیچ برشیته اینانمازلر ، « دین نامنه نه سویلنسه اینانمام » دیمکله افتخار ایدرلر . حریف اللهه اینانمایور که پیغمبره اینانسین . حالبوکه ایمان بالله ، ایمان بالرسوله مقدمدر . آرتق بوقسمه سوزسویله مک زائد عد اولونابیلیر . چونکه اکلامازلر واکلامقده ایسته مزلر .

اوچنجی قسم — خاطرلرینه برپارچه تردد کلندر که : « بونده هر حالده برمعنای حقیقت وارسه ده عجباً ناصلدر ؟ » دیرلر ، ایسته بونلر محتاج ارشاددرلر .

بناء علیه بویله مسائله حصه دار اولاییله جک برنجی و اوچنجی قسم خلغمزدر که اکثریت بونلرده در . ایکنجی قسم اقل قلیلدر . بوکی مباحثی زائد کورنلرده — احتمال — بولونا بیلیرسه ده ، سکوتده ضرر ملحوظ اولمغله ضررک ازاله سی جمله مؤمنینه واجب

خیوه خانی بو خبری آلینجه وزراسندن برینی نزدمه کونده ردی . وکیجه او یله منا - بتسمز یرده راحتسز برکیجه نکیرمک لایق دکلد . لطفاً تشریف بویورسونلر ، مسافر مزاولسونلر ، تکلیفنده بولوندی . قالقدق ، شهره کیرنججه برقاج آوی بزه تخصیص ایدوب همیزی مسافر ایله دیلر .

ایکی کونلک مسافرت واستراحتدن سوکرا خیوه خانی تکرار وزیرینی یوللایوب کوروشمک املنده اولدینی تبلیغ ایتدی .

— بوراده غریب بر آدم ، کیمسه بی طانیاز . خان حضرتلری زحمت بویورماسینلر . بن کندیلرینی زیارته کیده رم . دیسه رک آتیه بیندم و خانک اقامتگاهنه کیتدم . اوراده آلتمش عدد طوپ کوردم که مقدمه هیچ بریرده بوقدر چوق طوپک برآراده بولوندینی کورمه مشدم بوطوپلرک اداره سنه مأمور اولانلرک هپسی ده حبشی ایدی .

خانک سراینه یاقلاشینجه شرفه اللی طوپ آتیلدی . خانده پیاده اولارق استقباله چیقدی . بالمصافحه آل الله اولدیمز حالده دیوان حکومته چیققدق . او وقت تورکجه بیلیمه دیکم ایچین برترجان واسطه سیله ایکی ساعت قدر مصاحبتده بولوندق . بکا :

— سزی بویوک برادرم مثابه سنده طوتارم . چونکه : پدرم محمد امین خان ، بلخده بولوندینی صیراده والد محترمکزله غایت سهویشردی . جناب حقه حمد و ثنالر اولسون که شوضوورتله کوروشه بیلدک . نه وقت آرزو ایدرسه کز بلخ شهرینک فوجی ایچین سزه عسکر ترفیق ایلهرم . دیدی . و تحت حکمنده بولونان یدی شهردن ایکسینی ده بکا ویرمک ایسته دی .

بو قدر اکرام و التفاته قارشی ایفای تشکر ایلهدکن سوکرا : — برقاج کون سوکرا سزه هم بوخصوصده جواب ویریرم ، هم ده حکومتکزه فائده سی اولاجق بعض سوزلر سوبله رم . دیهرک مساعده ایسته دم .

خانک یانندن چیقنجه دلیلمز اولان (نوکر خان) :

— خان حضرتلری سزک ایچین کندی کوشکنی حاضر لاتدی . رفقا کزده اورایه کوتورولدی . دیمه سیله بزده او طرفه توجه ایتدک . بو کوشک ، شهر خارجنده و بر باغ ایچنده اولوب غایت روح افزا بر بنا ایدی .

ایکی ساعت سوکرا خانک خزینه داری کلدی :

— ایکی بیک اشرفی آلتوننه قدر امرکزه تأدیاتده بولونمایه مآذینم . نه قدر لزومی وارسه امر بویورک ، تقدیم ایدیم . دیدی . — جناب حق خان کریمکاری دائم و پایدار بویورسون . بوقدر مروته نه صورتله تشکرا ایده جکمی بیله میورم . ایکی بیک اشرفی بی آلوب نه یاپایم ؟ بنم هر کونکی مصرف اوتوز قرانی کچمز . جوانی ویردم .

مابعدی وار

مترجمی

طاهر المولوی